

經政志八

光緒順天府志六十一

學校上

山陰潘通纂江陰繆荃孫覆輯

封建易爲郡縣而學從以變郡之有學也自後魏天安始州縣之有學也自唐武德始京府之有學也自元大定始我

朝崇尚正學士非孔氏之書不敢讀以故人無異學學無異政志郡邑乘似無須乎類敘獨順天之學爲天下府州縣學之冠順天之學治則天下之學無不治概從闕如何以尊京師重首善也兢兢乎慎擇詳取酌其要中期以明

國家崇儒重道之意斯可已志學校

府學

在府治東南教忠坊明洪武初以元太和觀地爲大興縣學

春明夢餘

錄云學故爲報恩寺元末有僧募造未安像明師下燕戒士卒毋入孔廟僧倉皇借宣聖木主置殿中後不敢去遂以爲學其地卽

元之國子監爲府學有學校格式碑記洪武二年十月二十五日

左丞相宣國公欽奉聖旨

今後立學休要祭祀設科房分教禮樂射書數低每定擬來欽此
會集省臺部官逐一議擬於十月二十七日早朝奉天門奏奉聖
旨節錄學校合行的勾當教秀才每用心講究着行欽此欽依會
議定擬到各項事理洪武二年十一月十八日中書省楊右丞陳
參政惟參政右司郎都事禮部崔尙書於奉天門東板房內奏奉
聖旨准教定立罪名同這格式各處學校都鑄在石碑上欽此
學校格式一
生員入學定例凡各處府州縣責任守令於民
間俊秀及官員子弟選充必須躬親相視人材俊秀容貌整齊年
及十五之上已讀論孟四書者方許入學其年至二十之上願入
學者聽在內監察御史在外按察司巡歷到日逐一相視生員有
不成材者黜退另行添補一選官分科教授禮律書共爲一
科訓導二員掌教禮教律教寫著於儒士有學行通曉行令諸習
古今禮典能書字者樂射數共爲一科訓導二員掌教樂教數教
射於知音律能射弓能算法者上項訓導禮樂射書數律但是或
一等或二等從各處守令考驗各取所長相兼教訓府教授州學
正縣教諭掌講明經史務使生員知孝悌忠信禮義廉恥通曉古
今識達時務及提調各科訓導教習必期成效上項教習從各處
守令於儒士有才德者有學問通達習務者選充官爲應付行糧
腳力悉赴中書省考驗一
生員習學次第侵晨講明經史學
律飯後學書學禮學樂學算未時學射弓弩教使器捧演重石學
此數件之外果有餘暇願學詔誥表牋疏議碑銘傳一生員額數
便一禮樂二事見行集議比後成書頒將習學

府設四十員州設三十員縣設二十員一師生廩膳每人月

支米二升柴鹽油醬在內於本處係官錢糧內放支一學內設

空閑地一所以爲射圃一教官出身俸給定立等第如果教有

成效異材出衆者不拘資格優加擢用俸給就於本處係官錢糧

內放支一守令每月考驗生員觀其進退揖拜之節聽其語言

應對之宜背讀經史講通大義問難律條試其處決講禮通古今

寫字不拘格式審音詳所習之樂觀射驗其膂力又能中的稽數

明其乘除口手相應守令置立文簿同教授紀載諸生所進功程

如一月某生某科學不進則紀載於簿至此科三月學不進者罰

此科訓導月米半月罰多不過一月一監察御史按察司巡歷

去處考視各府州縣生員府生員十二員學不進者罰守令俸

錢半月教授某科訓導各罰俸錢一月二十員學不進者罰守令

俸錢一月教授及某科訓導各罰俸錢一月二十員學不進者罰

四十州生員八員學不進者守令罰俸錢半月學正及某科訓導

各罰俸錢一月十六員學不進者守令罰俸錢一月學正及某科

訓導黜退十六員之上學不進者守令罰四十縣生員六員學不

進者守令罰俸錢半月教諭及某科訓導各罰俸錢一月十二員

學不進者守令罰俸錢一月教諭及某科訓導黜退十二員之上

學不進者守令罰四十一設學之後子弟習學各科限三年有

成隸中書省者貢至中書省考試中選者就便量材錄用隸各行

省者貢至各行省考試其中選者貢入朝廷選用一各處府州

縣於洪武三年正月爲始開學務要實效責任所在有司守令正

官提調在內監察御史在外按察司每歲考覈學生功課比上年

有進有司官教官便是稱職若學生比上年學不進有司官治罪

教官黜退 一學該生員每府四十名州三十名縣二十名府州縣各設教授學正教諭一員訓導四員今擬府州生員四十名者設訓導四員每縣二十名已有教諭一名又設訓導四員似為員多今擬州縣學正教諭每處止設訓導二員其讀書生員如有增廣不拘定額及北平陝西河南地面人民稀少每州縣除此學正教諭外止設訓導一員相應欽奉聖旨今後教各府州縣儒學好生訓導生徒每日講讀文書罷時於學後設一射圃教學生習射但遇朔望的日子要試演過其有司官辦事閑暇時也與官學一體習射若是有司官與學官不肯用心教學生習射的定問他每要罪過欽此 一吏部議到學官品級先擬教授正九品學正從九品教諭授省劄今擬教授給與都省劄付學正在內授吏部劄在外授行省劄付訓導授各府州付身先令試職三年候有成效然後照依以定品級實授相應 一戶部議到教授學正并官改擬試職俱全訓誨生員所據俸給量擬教授月支米一石五斗學正月支米一石三斗教諭訓導各支米一石錢米三七兼支相應奉部堂准擬 洪武八年六月 日 永樂元年

改北平府為順天府仍以府學為國子監大興縣學為府學即今所也仿應天府學舊制革大興宛平縣學凡二縣生員均屬府學九年同知甄儀建明倫堂十二年府尹張貫建大成殿 宣德三年府尹李庸治新之大學士楊榮作記 明楊榮重修府學記順天府學歷年既久殿堂齋舍

頽敝射圃爲傍近民侵蝕殆盡有司未及修復皇上嗣統三年工
科給事中保定李庸爲府尹莅事之初祇謁先聖周覽學宮爲之
嗟咨卽日狀其實以聞詔許之庸祇承惟謹集材鳩工以次興作
於是大成之殿明倫之堂祠廡齋舍庖廐之所煥然如新未逾三
載卑隘者高廣頽敝者完善侵蝕者悉復如舊神位有所祭奠有
器其成功信非苟然者訓導成規具始末徵記子惟孔子以天縱
之聖不明堯舜禹湯文武之道以詔來世而南面出治之君莫不
敬仰師法以安天下其所以宣詔教化作新人才深有賴於學校
也我國家聖神相承興學崇儒以宏治化有開於先今聖天子光
紹前烈修學校之政簡俾良有司責其成效而克新廟學如此豈
直爲壯觀之具己哉尙期爲師者明其道以淑後進爲弟子者勉
力就學底爲成才出爲世用俾天下郡邑學校咸稱京都密邇聖
化效尤盛然後爲無負國家崇祀之意也 正統十一年府尹王賢重修戶部侍郎陳

循作記陳循重修府學記聖朝以唐虞三代爲法學校先于京師
循作記既建太學儲天下之英才復設京學育畿內之俊秀孟子
所謂堯舜之智不徧物急先務者是也蓋學制在四方者府齋有
四州三縣二而順天府學其齋則再倍于縣蓋過于四方府學而
倍于州學其視府州縣之學尤在當先學在今府治東南教忠坊
初元太和觀也洪武元年以觀爲大興縣學永樂元年升北平府
爲順天府則大興縣儒學例不得設遂以爲府學九年同知甄儀
建明倫堂東西齋舍十二年府尹張貫建大成殿又建棲生舍于
明倫堂後皆苟具一時加以歲久日就頽毀無以稱京學當先之
意甯陽王賢來爲府尹顧其舊址四邊多爲軍民侵而不足以擴

充堂構乃謀于府丞番陽王侯弼治中長沙易斌通判甯海楊轅
推官安陸彭理相與請復其地既得請遂撤故新之爲大成殿翼
以兩廡前爲戟門以祀先師先賢殿與門爲間各三廡爲間各五
因舊爲廟以祀宋丞相信國文公爲六齋于明倫堂東西附以棲
生之舍會饌有堂有厨有庫而蔽以重門齋厨庫爲間各三饌堂
爲間各五而舍爲間十二倍于饌堂經始于正統十一年七月二
十六日落成于十三年十二月十七日材出節公門之費而人不
爲侈工出省民役之正而人不爲勞其爲壯偉宏麗視太學雖有
間視四方儒學則煥然足聳京畿之觀瞻也越明年春教授梁礪
輩懼無以著郡侯興學育才之意謀于今國子助教前教授沈甯
暨前訓導趙煥相與礪石請文于余君子之道未有不學而成者
必有所致尊崇之禮于其所宗自孔子以及顏子曾子子思孟子
而下吾道之所宗也祀不祀固無預聖賢之損益而吾徒欲致尊
崇之心舍是無所從事此學者必先廟而後學而學之道亦必先
本而後末也先儒有言德行本也文藝末也觀孔子之教有四而
忠信爲本使凡來遊學于是者誠能先之忠信以敦其德繼之文
行以博其藝將見風俗之美人才之盛皞皞乎彬彬乎
于輦轂之下有莫能禦者矣故于記學之成書以期之
成化元

年府尹張諫閻鐸相繼修拓規制始備大學士商輅作記

商輅重修府學

記順天府儒學永樂初改建至是幾七十年雖數加葺治率因陋
就簡未有能侈前規者乃成化改元府尹張君諫相舊齋廡偏近
堂廟闢東西地廣之堂之北創後堂五間左右房各九間廟之外
戟門櫺星門皆撤而新之學之門樹有賢坊二東西對峙示壯觀

也張去繼爲尹者聞君鐸銳意學政凡前工朱畢者既皆足之復
念士乏棲止勞于出入擇堂齋前後隙地悉建號房通五十餘間
重建學外門三門廟各廡皆易朽以堅而加藻飾焉學後而北民
居錯雜購而拓之爲廚庫爲射圃崇墉廣廈煥然一新人用快觀
士益知勸尹之功大矣教授柴誠具修建始末偕諸寅造子請記
惟學校人才風俗所繫風俗之厚薄觀人才之盛衰使出于學校
者皆道德之良則成于遠邇者悉敦厚之化矧今聖人在位崇正
學黜邪佞示人以大公之道爲士者遊歌芹泮沐浴膏澤當以孔
孟爲師以正人爲法立心正議論必正以之孝親尊君臨民行政
無一不出於正教化自是愈明風俗自是愈厚庶上無負朝廷設
學育才之意下無負有司作興勸率之功于吾道不亦有光乎彼
爲名與爲利雖清濁不同而利心則一士當以此爲戒噫京郡列
郡之表學校所觀法也尹誠知重矣

正重修十六年督學御史楊四知建尊經閣越明年暑雨淹旬廟

學就圯府丞李楨重修自爲記李楨重修府學記歲在庚寅余丞
順天府學校其專職也始謁先師

講于堂日廟學剝蝕特甚余殊惻之己而暑雨彌旬至於秋七月
廡廟堂齋諸祠舍胥壞不可居乃問兩埒邑以修飾狀咸縮牖無
以應余曰嗟哉乏亦至此乎粵永樂改建之後嘗三修飾之稱鴻
制云亦越有年萬厯庚辰歲益繕構之費至二千緡今僅十稔爾
胡頃圯若是豈侈心者事不堅而督以攻之者非其人也今余何
辭于是謀之堂長朱秉器公公報曰可愛括羨緩于諸屬郡邑或

十餘金或七八金得二百餘緩余捐薪稍佐之始于歲八月中旬
十月朔告襄事是日也行鄉飲禮雍容齋邀無敢譁以亂執事叩
而瞻頌而盼廡踐立堂齋聳觀櫺星戟門文山鄉賢名宦諸祠儼
煥然禮義之區矣于是諸博士弟子員來徵文余諗之曰余加意
于斯修也而豈徒哉夫京師四方之極也孔子萬世之極也方極
定則寄象鞅譯之衆弗得以亂華世極明則佛老技術之流弗得
以干政故重京師以正四方崇孔子以惠萬世禮固然也昔吾孔
子祖二帝宗三王律時襲土譬如天地四時日月而賢如顏氏之
子亦嘆其不可及不可為象宜其已甚難行矣夷狄致其為事君盡
禮事親盡心盡禮則忠盡心則孝忠則天地之有萬世之為臣者取裁
孝則天下後世之為子者取準譬之天地之有萬世之為臣者取裁
行無不臨照然樞紐所在必有極以幹旋之諸凡萬象萬刑森羅
于中天九州內外者不能外焉故孔子太極也京師治教之極也
欲四方之風動必自京學始欲京學之教端必自尊崇孔子始欲
孔子之學明必自忠孝始殿曰大成堂曰明倫諸生之叩思之類
察之舍天下之達道未由矣當雨甚日余會暫憩于大悲閣上棟
下宇內宮外牆巍然帝王不居矣其六百七十七函之藏經絲繒
金碧炳耀耳目其為頭陀者焚洗而展誦之市井黎龐偕竭資以
供之余嗟咨者三徬徨者再何獨吾儒不然乎夫異教之以昌正教
之衰也起于人心闡于風化故身任立極之君子當思所以返之
矣文成竊封建甯廬陵淳安三公後鐫石堂左用備參攷云是役
也成勞在縣丞盧茂劉鳳翔其省勸綜核則蔡倅桂也若大興知
縣王建宛平知縣沈榜教授李士登陳九官訓導滕濟倫
楊時中李芳馬科管大武陸楨李桂偕通觀厥成者記之 四十一

年府尹喬維升修

也方從哲重修儒學記順天府學國初大興縣學

拓成化中復購民居益廣其址規制始大備迄今百四十年繕葺而歲月漸遠傾圯日甚頃自甲辰以來歲苦愁霖周垣爲塗棟宇盡塌先賢廟祔委於泥滓師儒函丈鞠爲茂草當視太息會數困大徭役罄無餘資扼孽未遑而已喬公允升以承攝府事顧瞻慨然曰丞旣代庖職實專典學校廟貌不埒口思樂之謂何校府得義金悉捐以經始凡東西廡楹各九東西齋楹十五尊經閣楹五省牲所致齋所文昌名宦祠楹各三皆煥然鼎新而殿而堂而門而坊而敬一亭文丞相祠魁星樓皆大葺其舊役始癸丑六月凡三月而竣口督視故所費視估半而亟就凡爲繕四百八十有奇皆公所捐俸金也余維世道隆汙綰輟學校而京師首善地尤四國儀政修則人才豹變化風草偃肇於邦畿暨於湖南而綦隆之理賴焉其所開非細也國家崇儒重道廣厲學官械樸之化垂三百年我皇上壽考作人加意文教申飭之詔無歲不下輦轂之間風厲尤先士生於時密邇聖化沐浴醲洽亦千載一時已當事者仰承德意作成有加又不啻朝憲章而夕典型也有不灑浙於奮者非士也今又聞喬公甫下車卽以經書鑑屬博士分時月日格以授諸士每生明生魄卽於格中課之所以激勸甚備此豈簿領執掌者所暇而公之惓惓如此夫勸率不勤有司之責也率而不從鼓而不起責將安在士也朝夕遊息不仰棖桷而俯階序乎美輪美奐冀冀言俎豆增輝鐘磬口口新矣而還視有未新者存亦奚用此土木之飾也耶夫六經之言新者多矣誠求之大經反之身心正誼明道一德同風口口之中而儼然立四國之極以

上對棧樸下重宮牆則喬公今日之維新所以嘉惠子衿者不可忘也爲書其日月於石

國朝順治初年府丞薛所蘊復加葺治已而民居淆雜塵穢滋甚府丞王登聯聞於

朝將重新之未興工受代去府丞劉鴻緒續其事界以崇垣康熙

四年府尹甘文焜府丞高爾位重修王崇簡修順天府學碑記順天府學宮之敝漣廟宇之圯

陋不足聳瞻嚮而興教化非一日矣卿士大夫有意於此者數也絀於經費之繁多所爲率羣力以致口者礮壁口口之聞耳求

其口口缺兩就礮固化而爲絢麗蓋未之能也一旦嚴嚴翼翼煥然奕然則順天府府丞提督學政高公之時康熙之五年也公甫

蒞任念教化之原未有不本於學校况京師首善之地凋敗若此何以作觀瞻以作士風爰咨於府尹甘公議協志口口度盈縮材

不謀於衆役不出民輸橐鳩工規蠹剔朽而大成之殿翼殿之櫺星之門以及奎樓啟聖鄉賢名宦諸祠靡不次第完善繕度不給

復斥口口以佐之均於乙巳之八月訖工於丙午之四月其籌之之周而成之之速前此未聞也士來肅謁其中罔不懽忻鼓舞稱

說高公而少宰孫公承澤經口口禮傍徨間以語予思有以記公之誼而公亦望有以勉多士也乃過于草堂屬爲之記予方媿以

鄉人而無口緡之效一役之功敢不記其實以載公之口口口無窮乎昔董江都有言治天下莫不以教化爲大務立大學以教於

國設庠序以教於邑其所以爲教化者非他凡以明人倫而已人倫既明則人才自口口口者司徒之教立之常典民生而由君臣父子夫婦兄弟朋友之道各適其性而安其處而所以使之爲親義序別信者則非由之之民所可及必待民之口口士者究宣其意踐服習行之而後風可移俗可善也則學校之爲教化所由興其重如此今我爲士者觀廟貌而忻悅豈徒如緇流羽士之快莊嚴於口口之事而已哉仰思先聖之訓垂求乎子臣弟友之倫卽國家設學興教惟此倫理之克盡天下同此倫理根於性則爲仁義禮智之德發於情則爲惻隱羞惡辭讓是非之端見於事則爲君臣父子夫婦兄弟朋友之常聖賢經傳詩誥誠無非欲人之無失其性教衰俗溺惑於嗜慾逐於利害偷於口得之習靡倫口口多逆是豈其性然歟亦教化之不至也故在上者興學以訓迪之學問以開發其性天良聲容以薰陶其才德所爲不過六經六行六藝之間漸摩之久倫理著而入則鮮不孝不弟之行而備口卿大夫百執事有不油然以成之者乎傳所謂人倫明而小民親親親長而天下平則教化非致之主之大務乎嗟乎今之于詒侈詞章以取科名爲能事殆非公所以興教化之心亦非所以永公之誼於無窮之意矣是役也以口者順天府府尹甘文焜提調學政內國史院侍讀蕭公爲豫司出納則署儒學教授宛平縣縣丞張君雲孫而府照磨汪君渭則董功作者也繼至爲今教授黃君忱孝是以並書高公名爾位字顯之錦縣人二十一

年府丞張鵬翮疏禁鑲黃旗侵占得

旨褒許雍正四年

詔發帑金重修嘉慶十三年府尹戴均元等重修咸豐四年府尹

汪本銓等重修

汪本銓重修順天文廟碑記順天府庠文廟在郡

適明兵定燕都下令母得擅入孔聖廟僧人募修報恩寺未列像

為大興縣學永樂時改為府學我朝因之聖神相承崇儒

重道用宏文教凡歷代有格致誠正之學齊治均平之略者或進

之東西廡或進之名宦祠又復建立崇聖祠文昌宮尊經閣奎

星樓皆所以敦教化而維風俗康熙二十一年聽事居住人等污

穢侵占學官府尹張公鵬翻陳奏奉旨速令遷移嚴加禁

飭不遵者該管官察治罪雍正二年設文廟祭器樂器嘉慶六年祀

節烈昭忠等祠乾隆元年議准添設文廟祭器樂器嘉慶六年祀

文昌改用太牢追封三代典至重也余忝任京兆下車祇謁聖廟

徧閱學舍仰見殿宇傾圯不蔽風雨崇聖祠卑隘難昭誠敬文昌

宮無後殿名宦鄉賢祠在學宮門左右殊乖禮制急圖修復遂商

於兼尹大學士卓捐廉倡率合屬官紳踴躍輸將因諭宛平令戚

貞董其事薊州訓導高守貴長鄉歲貢張翰督其工方逾九月傾

圯者完繕卑隘者高廣弗合禮制者或改或建與夫尊經閣明倫

堂敬一亭庖廚所門廡壁舍無不煥然一新並建下馬碑石二坐
於門外以昭嚴肅而補闕略惟望後之良有司賢師長盡心數教
養育人材俾及門者居為端人正士出為循吏名宦京師為首善
之區人文蔚起天下學校知所取法以仰副聖天子崇儒

重道雅化作人之至意是即
倡捐重修之所望也謹記
光緒八年府尹周家楣重修周家

修學宮記光緒戊寅家楣由大理移尹京兆念邦畿首善學宮規
制薄海具瞻罔敢或隊吉日展祀周砥環堵東西兩齋傾圯荒蕪

糞壤填積廢為牧畜中清棟仄莫可旦夕乃申禁令議興作公帑
既輸濟以私奉春秋祀事鍾磬簫篴之屬敬謹增設必精必備所

自咸豐癸丑年前京尹汪君經營之後因沿廢失垂二十年矣是
歲八月家楣奉諱歸里三年還闕濱州游君適領斯職自惟前

此工作僅同補罅無當全規乃與游君合謀並力冀償夙心未幾
游君銜命督倉家楣復玷斯位官守所在欲罷不能三事大

夫搢紳先生儒冠儒服之倫咸相翊贊乃以蒙昧之姿歲茲巨役
宮牆以外廢棄之地予人侵越者悉購歸之周垣溝瀆所宜道達

者白之冬官歲修如例若夫圖書美富累朝頒發博士弟子
絃誦之所需塵封蠹蝕聞者嘆息以時觀摩無令廢庋則師若弟

之責也茲事經始再歷寒暑爰記顛末以告有司方今皇上
右文孔庭典禮恭敬有加自今以始增其式廊者吾知有人已

明倫堂在大成殿之東順治九年

詔刻卧碑寘於堂左

詳金石門

齋舍在明倫堂東西建自前明屢經修拓為齋六曰進德修業時

書曰新樂術立教

尊經閣在崇聖祠之東康熙四十三年重建

詔廣善庫修理

敬一亭在明倫堂之後有明刻程氏四箴石質剝泐文字漫漶不全

射圃在學宮之後

名宦祠在大成門之東南

鄉賢祠在名宦祠之東

忠孝祠在崇聖祠之東

教授宅在尊經閣之西

訓導宅在崇聖祠之西

縣學

良鄉縣

學在縣治東南

遼大公鼎建

遼史列傳大公鼎改良鄉令建孔子廟學部民服化明府志縣舊志

幾輔唐志均未載

明洪武五年重建正統十二年修

國朝順治十年知縣張士彪增修

李昌垣重修良鄉儒學碑記

皇帝中又之九載壬辰躬詣

辟離行釋奠先師禮進更老饋餉致祝說經義於時褒錫諸儒臣

博士弟子儀甚厚蓋日惟后厥猷勸學迪誼洽聞興道以京輦倡

函夏其爾郡縣守令廣厲學官之意咸視朕夫風指所屈近者先

承良邑雖彈丸乎于京輦則腋及之其地較漢之三輔稱扶風馮

翊者甚密重其人誦法孔子敦悅詩書于文學其天性然也又炙

天子之化朝施而日中徧焉為屬孔易故良居衢塗為衢首

車書肆達罔不由之先是官茲邑者督戈爰飾厨傳吏卒緣南北

界鄧望冠蓋令負弩驅道左疲於輪蹄奔會間甚者星飯具櫛家

而催呼踵簿案訟獄董稽勾考不暇理苟辦一切取支給已爾遑

問廣厲為以故子矜不嗣學宮鞠茂草云邑侯張公始蒞謂簿案

與聖縣絢具甚自是學宮璀璨蔚倍曩時衆以功侯侯曰吾觀前吏
所載講堂荆棘自闢爲是聖道復昌之象桓帝末太學門自壞襄
僭嘆謂斯文不振徵此由是言之廟之修廢教之崇替也吾吏近
畿遵右文紹廣厲度不至如前之取辦一切置學校不務者因爲
鼎新于予之志之職允協予遑功邑之人則以侯之賦徭清簡字
氓造俊卹羸剗暴政無不觀厥成也其甚者煥聖字而裨
治厥惟顯哉以質于予曰如邑人言侯于中父之道尊先師之旨
甚得厥惟顯哉公韓士彪遼陽人戊子夏筮仕癸巳春遷靖州牧
人重之比于
名教干城焉
康熙二十七年知縣張宏毅修乾隆二十一年知

縣楊喬修道光十六年知縣彭世昌修

彭世昌重修良鄉縣學宮記昔先王順人情以立教

知夫人情所不習則不能責其器之備而業之精于是廣立學宮
制之禮器使人日游于橋門璧水之間俎豆干羽之地濡染其耳
目陶養其性情久則天機與器數相習而不自知故終身安焉而
不願乎外上之人九年以及其成四十而試之仕而士亦因之自
勵故器之備也自簡廉直溫剛塞恭愿以及中和孝友皆能盡其
微妙而無有齷齪傲戾之氣其業之精也自唐虞三代以下之典
章鞮譯象寄之語言以及射御操縵雜服之技凡可爲天下
家用者皆能貫而通之而無鹵莽生澀之弊伊古以來學校興則
人文盛學校廢則人文衰如影響焉莫之爽也我國家稽古右
文崇儒講學今將二百年矣海隅之內罔不宮牆相望絃誦相聞
傑士才人不擇地而有矧其在 輦轂之近哉良鄉首善要地距
京師六十里許近 天子之光沐 聖人之教無甚於此者

宜才人傑士接踵而生器無不備業無不精奮風雲光史策有倍
于荒甸外者顧數十年來聲稱寂若科第茂如嗚呼詎非以學校
荒圯久而不治之故與夫學校荒圯有司之責亦紳耆之羞也而
爲良邑之有司紳耆抑獨有甚苦焉蓋幅員不及百里戶口不及
數千土田磽瘠大半皆爲旗產故居民無土著一鄉之中求所謂
中人之產者十不得一二士皆環堵蕭然宿春不具學校荒圯有
蒿目焉而無可爲力且邑當孔道車書輻輳星使犇馳有司治事
外持手版迎謁道周而芻蕘酒食踈嘒橫索之音日填于耳雖有
長才供帳應酬之不暇學校之不治所以恆不暇爲也壬辰歲杪
余奉特旨來蒞茲土下車謁廟心竊傷之會以歲饑不克即
謀修葺逾年天又降災大水漂蕩民舍而官廨亦爲之空徙寓僧
廬辨公無所勢又不得不急營焉乃白之大吏請於朝給發帑
金八閱月而後官廨告成事于是得與胡李兩廣文大召生徒共
商斯舉余與兩廣文先割薄俸以爲之倡都人士亦皆踴躍輸將
繼乎其後銖積寸累共得緡若干鳩工庀材擇茂才數人董其事
經始于丙申二月告成于本年月日泮池兩廡大成櫺星之門鄉
賢名宦之祠以及禮門義路次第畢舉煥然改觀向之隘者今加
敞向之卑者今加崇向之仆者今加植向之無者今加增而且丹
其甃楹飾其戶牖几筵鐘鼓粲然具陳庶幾春秋釋奠濟濟踴
睹美富之宏規作身心之嚴翼此一役也以彫敝之鄉興久墜之
業始頗虞其難繼甚樂其易是知人情皆善聖賢之在人心無敢
忽也是亦一陽來復文運之一大轉機也安知才人傑士不自此
接踵而生器無不備業無不精奮風雲光史策有倍稽古右文崇
儒備學之化者則興廢舉墜所關詎淺鮮哉雖然猶